

REGLUR

143

9. okt.

um félagsheimilið Sólvang í Tjörneshreppi.

1. gr.

Nafn félagsheimilisins er Sólvangur í Tjörneshreppi, Suður-Þingeyjarsýslu. Lóðin er gefin af Bjarka og Árna Kárasonum, Hallbjarnarstöðum. Lóðarstærð er 6000 fermetrar. Eigendur er Tjörneshreppur að $\frac{2}{3}$ og ungmennfélag Tjörneseinga að $\frac{1}{3}$ hluta.

2. gr.

Húsnefnd, kjörin árlega, stjórnar félagsheimilinu. Hún er þannig skipuð: 6 menn kosnir á almennum sveitarfundi og 3 af U. M. F. T. Varamenn skulu kjörnir á sama hátt. Húsnefnd skiptir sjálf með sér verkum. Hún skal halda nákvæma gerðabók um störf sín. Ef félagsheimilið hættir störfum, skal afhenda Þjóðskjalasafni gerðabækur þess til vörzlu.

3. gr.

Húsnefnd heldur fund er þurfa þykir. Skylt er henni að halda fund, ef 4 af 9 nefndarmanna æskja. Aðalfundur eigenda félagsheimilisins skal vera ár hvert. Á fundinum skal húsnefndin leggja fram rekstrar- og efnahagsreikning félagsheimilisins fyrir síðastliðið ár, endurskoðaða af endurskoðanda sveitarsjóðsreikninga. Einnig leggur hún fyrir fundinn fjárhagsáætlun fyrir félagsheimilið á yfirstandandi ári. Fjárhagsáætlunin skal gerð svo nákvæm sem unnt er. Eigi má efna til verulegra útgjalda, nema samþykkt hafi verið á aðalfundi eða aukafundi sömu aðila og sæti eiga á aðalfundi. Gildir þetta jafnt um rekstrargjöld og stofnkostnað. Reikninga og fjárhagsáætlun skal bera undir atkvæði fundarmanna. Afrit af ársreikningum félagsheimilisins skal senda félagsheimilastjóði. Félagsheimilið skal rekið sem sjálfstæð stofnun með sérstöku reikningshaldi. Almanaksárið skal vera reikningsár þess.

4. gr.

Aðalverkefni húsnefndar eru:

- a. að ráða húsvörð, sé þess þörf að dómi aðalfundar, setja honum starfsreglur og sjá um, að þeim sé fylgt,
- b. að ráðstafa félagsheimilinu til afnota fyrir eigendur og aðra,
- c. að ákveða gjöld fyrir afnot hússins,
- d. að annast kaup nauðsynlegra tækja og áhalda,
- e. að sjá um ræstingu félagsheimilisins (húss og lóðar), sé jafnan í góðu lagi og gætt sé ýtrasta hreinlætis í umgengni,
- f. að sjá um viðhald og endurbætur húseignar, húsbúnaðar og áhalda,
- g. að sjá um, að húsið sé hæfilega hitað og lýst,
- h. að sjá um, að löggæzla sé á samkomum.

5. gr.

Eigendur félagsheimilisins skulu eins og aðrir greiða leigu fyrir afnot hússins. Skylt er þeim að heimila félögum, er greinir í 1. gr. laga nr. 77/1947, um félagsheimili, afnot af húsinu gegn hæfilegu gjaldi, ef eigi fer í bága við eðlilega þörf eigenda sjálfra fyrir húsið. Verði ágreiningur um, hvort slíkt félag eigi rétt á afnotum af félagsheimili, sker fræðslumálastjóri úr. Úrskurði hans má skjóta til menntamálaráðuneytisins.

143

9. okt.

Leiga fyrir afnot félagsheimilisins skal ákveðin svo há, að nægilegt fé fái til þess að inna af höndum nauðsynleg gjöld, ef stofnuninni koma eigi aðrar tekjur.

6. gr.

7. gr.

Þess skal gætt, að húseignir, áhöld og annað lausafé sé jafnan hæfilega váttryggt.

8. gr.

Félag, er samkomu heldur í félagsheimili, skal hafa þar gæzlumann af sinni hálfu. Ef húsvörður er eigi við, þegar samkomu lýkur, skal gæzlumaður slökkva ljós, ganga örugglega frá hitunartækjum, opna loftræstingarop, koma húsbúnaði og áhöldum á sinn stað, koma óskilamunum í örugga vörzlu og loks loka vel gluggum og hurðum.

9. gr.

Að lokinni hverri notkun félagsheimilisins skal húsvörður eða húsnefnd sjá um ræstingu þess, það er, að gólf séu þvegin úr sápuvatni, salerni hreinsuð vandlega með sótthreinsandi efni og fatageymslur, bað- og búningsherbergi ræst. Árlega skal fram fara gagnger ræsting alls hússins.

10. gr.

Ganga skal þannig frá lóðinni umhverfis félagsheimilið, að auðvelt sé að halda henni snyrtilegri, og skal húsvörður eða húsnefnd sjá um, að hún sé jafnan vel hirt. Lóðina skal girða traustri girðingu, er haldið sé vel við. Bifreiðastæði skal vera við félagsheimilið, og því vel við haldið.

11. gr.

Fánastöng skal koma fyrir á húsinu eða við það. Hún skal vera traustlega fest og máluð hvít. Húnn og snerill mega þó vera í öðrum lit. Fánasnúran skal ávallt vera heil. Stöngin skal vera í tveim hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt að nota einungis fána með réttum litum og hlutföllum.

12. gr.

Árlega skal athuga húseignina alla vandlega með viðgerð fyrir augum. Einkum skal athuga: múrhúðun, þak, þakrennur, niðurföll, hurðir og dyraumbúnaði, glugga (utan og innan), málningu, gólfduka, klæðningu veggja, hreinlætistöki, eldavél og hitunartæki, raflagnir og ljósatæki, vatnslögn og krana, gluggatjöld, leiksviðstjöld, gólf í samkomusal o. s. frv.

13. gr.

Skemmdir á húseign, áhöldum og húsbúnaði umfram eðlilegt slit, skulu þeir bæta, er spjöllum valda.

14. gr.

Í félagsheimilinu má hvorki veita áfengi né neyta þess. Húsnefnd getur svipt þá, er gegn þessu brjóta, aðgangi að félagsheimilinu tiltekinn tíma.

15. gr.

Reglur þessar, sem settar eru með skírskotun til 8. gr. laga nr. 77 5. júní 1947, um félagsheimili, öðlast gildi þegar menntamálaráðuneytið hefur staðfest þær.

Framanskráðar reglur staðfestast hér með.

143

9. okt.

Menntamálaráðuneytið, 9. október 1961.

F. h. r.

Birgir Thorlacius.

Knútur Hallsson.

Staðfesting forsetans á skipulagsskrá fyrir Minningarsjóð Sveinbjörns Finnssonar, stýrimanns, útgefin á venjulegan hátt að mandatum af dómsmálaráðherra 10. október 1961.

Skipulagsskráin er þannig:

SKIPULAGSSKRÁ

144

10. okt.

fyrir Minningarsjóð Sveinbjörns Finnssonar, stýrimanns.

1. gr.

Sjóðurinn heitir Minningarsjóður Sveinbjörns Finnssonar, stýrimanns. Sjóðurinn er stofnaður 1. júní 1961 af bekkjarsystkinum Sveinbjarnar, sem brautskráðust úr Miðskólanum í Stykkishólmi vorið 1951.

2. gr.

Stofnfé sjóðsins er krónur 2700.00.

3. gr.

Sjóðinn skal ávaxta í Sparisjóði Stykkishólms. Höfuðstól sjóðsins má aldrei skerða, en auka má hann með gjöfum.

4. gr.

Tilgangur sjóðsins er að veita árlega verðlaun þeim nemanda, sem hæsta einkunn hlýtur í móðurmáli á miðskólaprófi. Verðlaunin skulu vera bók. Í þessum tilgangi má verja allt að $\frac{3}{4}$ af ársvöxtum sjóðsins, en $\frac{1}{4}$ af ársvöxtum hans, ásamt öðrum væntanlegum tekjum skal leggjast við höfuðstólinn.

5. gr.

Stjórn sjóðsins skipa: Skólastjóri miðskólans, formaður skólanefndar og sóknarpresturinn í Stykkishólmi. Reikningar sjóðsins skulu endurskoðaðir ár hvert af endurskoðendum Stykkishólmsþrepps.

6. gr.

Leita skal staðfestingar forseta Íslands á skipulagsskrá þessari.